

Forfatter: Blicher, Steen Steensen

Titel: Udrag fra E Bindstouw (DK) (paralleltekst med Rigsmaulgengivelse)

Citation: Blicher, Steen Steensen: "Noveller", i Blicher, Steen Steensen: *Noveller*, udg. af Esther Kielberg ; Henrik Ljungberg , Det Danske Sprog- og Litteraturselskab, Borgen, 1991, s. 252. Onlineudgave fra Arkiv for Dansk Litteratur: <https://tekster.kb.dk/catalog/adl-texts-blic03val-shoot-idm140515387340064/facsimile.pdf> (tilgået 17. april 2024)

Anvendt udgave: Noveller

Di smøkked den Pigh unne løstede Spel  
Te Brudh epo Trejurersdawwen.

Den Snehker han klawwed sæ nød faa hans Kihst  
«Hwem ska no betaahl mæ aa ta en?»  
— »De skal Aa saa Mowns, «de for aa blyw den sihst!  
Te rehle A dør, A vil ha en.«

---

»Den war ett saa mod slem« saa Kjen Muotes, »hwissommensti de ej-  
jes æ sann.«

»Da æ den hæhr sanne saah han Jens Jensen, ham e Hueskræhmer –  
I kinne ham wal – han wa kommen ind ad e Daer i de samme Golau. –  
Han bowwer ejes en fi Miil her ester po; men når han drawwer om  
i Boijeren, aa tingget Hueser, aa de blywwa faa silh faa ham aa kom  
hjem, saa legger han se gjahn ind te e Skwolmajsters. – Noddeda, saa  
sat han se njer aa ga se te aa faatæl, lissom A no sejer ed ætte ham:

»Den Gaang te A sku føøst Gaang o Sessionen, da wanted mi Faar  
knap aa nap fir Oer i trej Snees. Saa fulles han aa mi Muer ad op i  
Præstegoren mæ en Brik Smør aa en mægtig stuer swot Kok. Præst-  
madammen beholdt baade Smørret aa Kokken; men Prästen, de war  
elles en dejlig Mand, aa moj gue mod fatte Folk; men han vill alliwel  
ett gjø mi Faar eller, end han war, aa saa maat a spring Sældaat – Ryt-  
ter skul a sej. Jes Piesen slap bæjr, for han fik en Resevt po no Ave-  
thekersager te aa smøer hans Øwn i, aa saa fik di soen en rø Hanti-  
ring, hwægaang han kam o Sessionen; men de kaast aa hans Faar en  
Halhunnerdaalersseddel.

Skuelen wa slem; A ska suæ te, Løgtenanten ku arre Jens Ryg. De  
war en villele Kaal te aa faastoe hans Exesis; men nærensti han see:  
»Kael! Du rider som en Agurk!« saa wa han ett naade.

De war i Kriggens Ti. Dengaang A kam ud aa Skuelen, kam A ind  
te Reggeminter, wo Skadron loe i Enkelfyer, men saasnaar A kam,  
massired vi ind a Meklenborre. Dic loc Franskmannen; de wa no bet-  
te geswint Kaal. Di bottred po, de gik som Kjepper i Hjywl; men A